

ქ.ქუთაისის მუნიციპალიტეტის საკრებულოს წევრის, ფრაქცია „ქართული ოცნების“ თავმჯდომარის მოადგილის

მანანა ჩიხლაძის ანგარიში

საკრებულოს წევრი: მანანა ჩიხლაძე

დაკავებული თანამდებობა: ქალაქ ქუთაისის მუნიციპალიტეტის საკრებულოს წევრი, ფრაქცია „ქართული ოცნების“ თავმჯდომარის მოადგილე

კომისიების წევრობა: ჯანმრთელობის და სოციალურ საკითხთა კომისიის წევრი
განათლების, კულტურის, სპორტისა და ახალგაზრდობის
კომისიის წევრი.

საანგარიშო პერიოდი: 2022 –2023 წელი

საანგარიშო პერიოდში ჩატარდა და აქტიური მონაწილეობა მივიღე შემდეგ აქტივობებში:

- ❖ ქალაქ ქუთაისის მუნიციპალიტეტის საკრებულოს 15 სხდომა (11 რიგითი, 4 რიგგარეშე)
 - კულტურის, განათლების, ახალგაზრდობის საქმეთა და სპორტის კომისიის 11 სხდომა, რომელზეც განხილული იქნა 11 საკითხი.
 - ჯანდაცვისა და სოციალურ საკითხთა კომისიის 8 სხდომა, რომელზეც განხილული იქნა 8 საკითხი.
 - ქალაქის მუნიციპალიტეტის საკრებულოს ფრაქცია „ქართული ოცნების“ ფრაქციის 8 სხდომა, რომელზეც განხილულ იქნა 8 საკითხი.
 - მუნიციპალიტეტის გენდერული თანასწორობის საბჭოს სხდომები/ ტრენინგები

ჩვენი გუნდისთვის ადამიანი, მისი კეთილდღეობა პრიორიტეტია, შესაბამისად, გამომდინარე იქედან, რომ ბევრ რამეზეა დამოკიდებული ადამიანის კეთილდღეობა და უამრავი რაიმე ახდენს მასზე დადებით ან უარყოფით ზეგავლენას, მაქსიმალურად ვცდილობთ გავაანალიზოთ განსაკუთრებული საჭიროების მქონე პირთა და უმწეოთა

ყოფა, ვიცით, რომ არსებობს მოთხოვნები, რომელთა დაკმაყოფილების გარეშე შეუძლებელია არსებობა, მაგრამ ამავე დროს არსებობს მოთხოვნები, რომელთა დაკმაყოფილების გარეშეც შეუძლებელია კეთილდღეობა.

რთულია კეთილდღეობის განსაზღვრა უპირატესობების, პრიორიტეტების გარეშე, შესაბამისად, ჩვენც ვცდილობთ ჩვენი კომპეტენციის ფარგლებში მაქსიმალური შევძლოთ.

აღსანიშნავია, რომ ისევ ვიმყოფებით COVID-19 პანდემიის ზეგავლენის ქვეშ, რის გამოც ქალაქის მოსახლეობა მძიმე სტრესის ქვეშაა, განსაკუთრებით, ქრონიკულად მოავადე პაციენტები და ხანდაზმული მოქალაქეები. აღნიშნულმა პრობლემამ ადამიანებს საკმაოდ მძიმე კვალი დააჩნია, მათ შორის, სოციალიზაციის მიმართულებით.

ზემოთთქმულიდან გამომდინარე, აქტიურად ვარ ჩართული სწორედ ამ პრობლემის წინააღმდეგ ბრძოლაში და შეჭირვებული ადამიანების მხარდაჭერის საკითხში:

უკვე მესამე წელია, ყოველთვიურად, უსასყიდლოდ ვეხმარები 2 სოციალურად შეჭირვებულ ოჯახს, 2 შშმ პირს და ერთ მრავალშვილიანი ოჯახის წევრს შემდეგი აქტივობებით:

ექიმი-კარდიოლოგის, ენდოკრინოლოგის, ინფექციონისტის, ალერგოლოგის, იმუნოლოგის, თერაპევტის (საჭიროებიდან გამომდინარე) მაღალკვალიფიციური კონსულტაცია, ლაბორატორიული გამოკვლევები, ელ. კარდიოგრაფია, ექოსკოპიური გამოკვლევა.

საკუთარი დანაზოგით ვეხმარები 3 მრავალშვილიან ოჯახს სურსათითა და ჰიგიენური საშუალებებით.

საერთაშორისო კამპანია „ვარდისფერი ოქტომბერის“ ფარგლებში აქტიური შეხვედრები გავმართე ქალბატონებთან, გავავრცელე ფლაერები, რომელიც ძუძუს კიბოს პრევენციის შესახებ ცნობიერების ამაღლებას ემსახურებოდა. შევახსენე, რომ საქართველოს მასშტაბით, სკრინინგის ეროვნულ ცენტრებში, მთელი წლის განმავლობაში, სხვადასხვა ასაკის ქალებისათვის ძუძუს კიბოს, საშვილოსნოს ყელის, და მსხვილი ნაწლავის სკრინინგები სრულიად უფასოა, რომ ადრეული დიაგნოსტიკა აუცილებელია და ამისათვის დროული სკრინინგია საჭირო.

მიუხედავად იმ პროექტებისა, რომლებიც ბოლო წლებში ხორციელდება, ჩემს მეგობარ კოლეგებთან ერთად ანგარიშის ჩაბარების დროს მოსახლეობასთან საუბრისას კიდევ მრავალი საჭირობოროტო საკითხი წამოიჭრა, რომელთა გადაჭრაშიც, მაქსიმალურად ვეხმარები მათ.

საკრებულოს თავმჯდომარის ირაკლი შენგელიას ინიციატივითა და დიდი მხარდაჭერით, ვცდილობთ საკუთარი დანაზოგით გავულამაზოთ დღეები ჩვენს

მეგობარ შშმ პირებს და მივებმართო სხვადასხვა სპორტული ღონისძიებების დაორგანიზებასა და საინტერესოდ ჩატარებაში.

ვარ საქველმოქმედო ფონდის წევრი, ჩვენი გუნდის წევრების, ჯანდაცვისა და სოციალურ საკითხთა კომისიის თავმჯდომარის, მამუკა რიჟამაძის დიდი ძალისხმევითა და მხარდაჭერით, ერთად, გუნდურად, ვცდილობთ შევებიდოთ და ფინანსური მხარდაჭერით გვერდით დავუდგეთ და ყოფა შევუმსუბუქოთ განსაკუთრებული საჭიროების მქონე ჩვენს თანაქალაქელებს.

აქტიურად ვარ ჩართული ქალაქში დაგეგმილ სხვადასხვა კულტურულ ღონისძიებებში, სტუდენტურ აქტივობებში, აქტიური კომუნიკაცია მაქვს ქალაქის მოსახლეობასთან, ვეცნობი მათ საჭიროებებს, ჩემი კომპეტენციის ფარგლებში ვცდილობ, მონაწილეობა მივიღო პრობლემების ადრესატამდე მიტანასა და მოგვარებაში.

მანანა ჩიხლაძე

ქალაქის მუნიციპალიტეტის საკრებულოს ფრაქცია „ქართული ოცნების“
თავმჯდომარის მოადგილე,

31 ოქტომბერი, 2023 წელი.